

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Magna erat per illas tempestates dignatio Ecclesiarum apostolicarum, ad quarum doctrinam hæreticos provocant antiqui patres. Vnde fiebat ut Episcopis illarum Ecclesiarum incumberet necessitas ...

urn:nbn:de:hbz:466:1-15617

Sozom. lib. 3. c. 7. communionem receptus est. Quare cum legis apud Sozomenum, Iulium receperisse in suam communionem Athanasium. ac reliquos Episcopos, & unicuique eorum Ecclesiam suam reddidisse, ob curam videlicet universalis Ecclesiae quae ei incumbit propter dignitatem sedis suae, existimare debes restitutionem illam Ecclesiarum non fuisse factam directe, sed per consequentiam, eod quod Episcopi illi à Iulio in communionem recepti fuerint velut Episcopi hujus & hujus sedis.

Hominemque non condemnaremus, sed recipereamus, eumque pro Episcopo, quemadmodum est, haberemus, inquit Iulus in epistola ad orientales apud Athanasium.

V. Necessariam esse arbitratus sum discussionem præcipuorum capitum hujus epistola, quod ea, æquè ac verba Sozomeni, perperam haec tenus accepta sint ab iis qui ea laudavere. Contendunt quippe factum Iulij, quod nihil aliud est quam velut quoddam obsequij genus ad retinendam communionem, à suprema ejus jurisdictione profectum esse, atque illum ea auctoritate cassasse judicata Conciliorum orientalium.

V. Orientales Sardicae congregati pertinaciter adhaerent sententia Concilii Antiocheni; causâque secessionis suæ rejiciunt in occidentales, qui adversus veterem Ecclesiae consuetudinem cognoscere vellent de causis orientalium. Sic enim aiunt in epistola sua synodica, quæ habetur in Fragmentis Hilarij: *Hanc novitatem moliebantur inducere quam horret vetus consuetudo Ecclesie, ut in Concilio orientales Episcopi quod forte statuerint, ab Episcopis occidentalibus refricaretur, similiter quidquid occidentalium partium Episcopi, ab orientalibus solveretur. Verum omnino Conciliorum justè legitimèque actionum decreta firmanda majorum nostrorum gesta consignant. Nam in urbe Roma sub Novato & Sabellio & Valentino hereticis factum Concilium, ab orientalibus confirmatum est; & iterum in Oriente sub Paulo Samosateno quod statutum est, ab omnibus est signatum.*

Sed quenam fuerit orientalium mens manifestè docet epistola Imperatoris Constantij dara ad Concilium Ariminense, quod constabat ex Episcopis Occidentis. Non enim, inquit, de orientalibus Episcopis in Concilio vestro paritutio aliquid definiri. Proinde super his tantum quæ ad vos pertinere cognoscias gravitas vestra tractare debitis. Infrā: *Quæcum ita sint, adversus orientales nihil statueret vos oportet; aut si aliquod vulneris contra eosdem predictis absentibus definire, id quod fuerit usurpatum, irrito evanesci effectu. Non enim illa vires habere poterit definitio cui nostra statuta testantur jam nunc robur & copiam denegari.*

Tom. II.

Baronist, Bellar-
muni, & Perro-
muni in variis cap-
tibus Republica.

VI. Negari certè non potest quin aliter ea tempestate visum sit occidentalibus. Verum longè aberant ab opinione eorum quæ nostra ætate tractarunt de controversiis fideli, qui pronuntiant appellations Episcoporum orientalium judicandas esse apud urbem Romam à Summo Pontifice. Nituntur illi, ut ipsi existimant, præjudicio epistola Iulij Papæ, quæ extat apud Athanasium, cuius sensum detorquent ad mentem suam, cum tamen ex ea constet iura sedis apostolica temperamento quodam prudenter exhibito per eas tempestates explicari solita. Nihil enim aliud ab orientalibus exhibebant Iulus & Romana synodus quam ut causæ Ecclesiarum apostolicarum, in primis vero Alexandrinæ, quoties de depositione Episcoporum earum sedium ageretur, cum Papa & synodo Romana communicarentur antequam synodi orientales cognitionem de iis instituerent, ut communis consensu componi possent magna Ecclesiae. Quod si post judicium orientalium quærela manifestæ oppressionis deferretur ad synodum occidentalem, tum retractandum esse negotium in Concilio occidentalium & orientalium. Vnde constat in ea epistola non agi de appellatione, sed de prima tantum causæ cognitione, aut revisione, neque excitatam controversiam de omnibus Episcopis, sed de iis tantum qui apostolicis Ecclesiæ præsiderent, in primis autem de Alexandrino, ac tamen judicium reddi non debere à solo Episcopo Romano cum Episcopis occidentalibus, sed ab Episcopis Occidentis & Orientis in unam sententiam conspirantibus. Ita enim colliguntur ex epistola Iulij, quæ orientales objurgat in causa Athanasij Episcopi Alexandrinæ & Marcelli Ancyranæ, quos Orientis Concilio damnaverant inconsulto Episcopo Romano. Oportuit, inquit, scribere omnibus nobis, Vide Addit. ad cap. 12. lib. 5. ut ita ab omnibus quod justum esset decernere tur. Episcopi enim erant, & non vulgares Ecclesie, qui ista patiebantur, sed quas ipsi Apostoli suæ met opera ad fidem instruxerant. Cur igitur, & in primis de Alexandrina civitate, nihil nobis scribere voluisti? An ignari es sis hanc consuetudinem esse ut primum nobis scribatur, ut postea quod justum est definiri possit. Quapropter si isthic hujusmodi suspicio in Episcopum concepta fuerat, id huc ad nostram Ecclesiam referri oportuit.

VII. Magna erat per illas tempestates dignatio Ecclesiarum apostolicarum, id est, earum Ecclesiarum quas Apostoli fundaverant, Alexandrina nimurum, Antiochenæ, Ephesinæ, Ancyranæ, quæ metropolis erat Galatæ, Corinthiensis in Achæia,

Rr ij

Thessalonicensis in Macedonia, in primis verò Romanæ, quam principes Apostolorum sanguine suo consecraverant. Hinc factum ut quoties Irenæus, Tertullianus, Optatus, & Augustinus novitatem objiciunt hæreticis, adducant discrimen quod intercedit inter novam eorum doctrinam & traditionem Ecclesiarum apostolicarum, præcipue autem Romanæ; ac præterea adversus hæreticos adferunt successionem personarum & doctrinæ illarum Ecclesiarum. Vnde siebat ut Episcopis illis incumbet necessitas arctissimæ communionis, scriptis videlicet ultrò citrōque communicatoriis epistolis pro conservatione fidei.

VIII. Quamobrem cùm ageretur de causa Athanasi Episcopi Alexandrinī & Marcelli Ancyranī in Galatia, quorum Ecclesiae erant apostolicæ, æquum prorsus videbatur ut accusatio adversus eos instituta judicaretur ab Episcopis Occidentis & Orientis. Sed in primis causam Athanasi urget Iulius, adfertque consuetudinem jam introductam, à Dionysio nimirum Episcopo Alexandrino: quem cùm Clerici ejus hæreticum esse suspicentur, & ob id querelam adversus eum detulissent ad apostolicam sedem, ipse accusationem hanc purgavit scripta ad Summum Pontificem epistola. Vnde concludit Iulius monendum se fuisse si quid suspicionis exortum esset Alexandriae adversus Athanasium. Huc enim tendit oratio Iulij; jus verò suum arcet à facto Dionysij. Ceterū causam judicari debere scribit ab omnibus, τοῦτο μάτιον, non autem à se solo. Quare merito reprehendens est illuſtrissimus Cardinalis Perrenius, qui verum Iulij Papæ sensum dissimulat in sua Rēplica; locum verò hunc mutilat, omittens de industria quicquid sequitur post illa verba, *Episcopi enim erant*, quod sequentia parum conducerent ad extollendam Summi Pontificis auctoritatem. Tum, prætextu versionis obscuræ, ex Græco textrū in primis conatur elicere sensum prorsus contrarium destinatis Iulij. His enim significari ait nihil in causa Athanasi definiri posse quin prius definitum fuerit ab Ecclesia Romana. Hac sunt verba Græca: ἡ δύνεται τὸ τέλος τὸ τῆς λογοτερογνόθεων οὐκ εἶναι, Εἴ τοι δὲ τὸ τὰ δύο; Αἴ γναρι εῖσις, inquit Iulius, *hanc consuetudinem esse ut primum nobis scribatur, ut hinc quod justum est definiri possit?* Attramen certum est nihil aliud ex his verbis elici posse quād eam esse Ecclesiæ Alexandrinæ consuetudinem, ut primum ad Summum Pontificem scribatur, ut *dein*, *τέλος*, decerni possit quod æquum videbitur, id est, communi omnium suffragio, ut an-

tea dixerat. Ceterū hec observandum est, satis audacter Iulium tribuere consuetudini exemplum semel usurpatum.

I X. Si quis verò in dubium revocare velit interpretationem epistolæ Iulij à me propositam, quoad jus quod sibi vendicabant occidentales, is, mea sententia, cedere faltum debet auctoritati Concilij Italici, cui interfuit sanctus Ambrosius Mediolanensis Episcopus. Scribunt hujus Concilij patres in synodica ad Imperatorem Theodosium epistola, Maximum, qui Constantinopolos Episcopus fuerat ordinatus, cùm in lyndo Constantinopolitana, quæ est secunda universalis, depositus fuisset, captata occasione Concilij generalis quod Imperatores Romam convocaverant, ad apostolicam sedem accessisse, ibique expostulasse de sua depositione ac de Nectarij ordinatione in locum suum, attamen occidentales, tametsi Maximum in suam communionem recipi sent, nihil quoad episcopatum decernere voluisse absentibus Episcopis orientalibus, qui Constantinopoli subfiterant pro celebrandâ synodo. *Nos igitur in synodo ea, inquit, que totius orbis Episcopis videbatur esse prescripta nihil temere statuendum esse censimus.* angi se nihilominus, quod ex ea causa interrupta esset Ecclesiarum communio. Orientales enim, cùm intellexissent Maximum Romam esse profectum, utilic causam suam refricari procuraret in synodo ad quam universi orbis Episcopi invitati erant, nolle ad eam accedere. Tum adferunt vestram consuetudinem, usurpatam ab Athanasio, Petro Alexandrino, & à plenisque orientalium Episcopis, qui judicium experierant, non solum Ecclesiæ Romanae, sed etiam Italiae & totius Occidentis. Vnde concludunt, orientales, cùm Maximus ad Episcopos Occidentis accesserit, præstolari debuisse eorum sententiam in causa ejusdem Maximi. Ne quis verò existimet eos solos velle negotium istud terminare, declarant se nihil aliud cupere nisi ut hæc causa in Concilio judicetur ab Episcopis occidentalibus & orientalibus; *ut ubi una communio est, commune judicium sit.*

X. Quod si tum temporis auctoritas Concilij Sardicensis valuerit, occasio videlicet opportunissima reperta erat qua revocaretur in usum. Nullam autem ejus mentionem faciunt Episcopi occidentales; nihilque aliud contendunt quād ut unā cum orientalibus cognoscere possint de causa de positionis Episcopi Constantinopolitan. Eam ob causam Theodosium orant ut Concilium universale apud urbem Romam celebrari jubeat, eamque sibi videri unicam

Athan. de sentent.
Dionysij

Ap. Athanasi.
Iulij. 2.

Vide supra lib. 1.
Cap. 12. §. 1. 2.